

Visoki Predstavnik se obratio Komitetu za političke poslove Vijeca Evrope

Danas je u Strazburu Visoki predstavnik, Wolfgang Petritsch, održao govor pred Komitetom za političke poslove Vijeca Evrope.

Visoki predstavnik je jasno stavio do znanja da prijem Bosne i Hercegovine u Vijeće Evrope smatra krajnje značajnim: prijem u Vijeće Evrope će predstavljati odlučujuću prekretnicu na putu Bosne i Hercegovine ka Evropi.

Medjutim, Visoki predstavnik je uvjeren da BiH ne treba da pristupi Vijeću Evrope sve dok preduslovi postavljeni za prijem ne budu ispunjeni. Glavni zahtjevi su državne institucije koje funkcioniraju, usvajanje Izbornog zakona i poštivanje ljudskih prava i vladavine zakona. Samo ukoliko se postigne daljnji napredak na ova tri polja, Bosna i Hercegovina se može priključiti Vijeću Evrope i učestvovati u njegovom radu kao uvazen i potpuno samostalan član. To bi dokazalo da Bosna i Hercegovina "prihvata načela vladavine zakona i uživanja ljudskih prava i temeljnih sloboda od strane svih članova unutar njene jurisdikcije," kao što Statut Vijeća Evrope zahtjeva od svojih članica.

U skladu sa konceptom Odgovornosti, ključna odgovornost za ispunjenje ovih preduslova počiva na politickom rukovodstvu ove zemlje. Ovi preduslovi su stvarni; ali uz odgovarajući nivo političke volje, Visoki predstavnik ne vidi razlog zasto ovi preduslovi ne bi mogli biti ubrzo ispunjeni.

Uz obraćanje Komitetu za političke poslove, Visoki predstavnik se također susreo sa Hans-Peter Furrerom, generalnim direktorom za političke poslove pri Vijeću Evrope; Lordom

Russelom Johnstonom, predsjednikom Parlamentarne skupstine; uredom ministarskih zamjenika; Walterom Schwimmerom, generalnim sekretarom Vijeca Evrope; te Terry Davisom, Predsjedavajućim Komiteta za političke poslove Parlamentarne skupstine.